



ბიზნეს-გარიგებები და ეკონომიკური რესურსების თავმოყრა

გიორგი ბუსქანძე
მენეჯმენტის მაგისტრი
irina-jorjo@mail.ru

რეზიუმე

ოპერაციულ მენეჯმენტში მოიაზრება არა მხოლოდ საწარმოო მენეჯმენტი, არამედ ლოგისტიკაც, ინოვაციური მენეჯმენტიც, გარიგებისა და ხარისხის მართვაც და ბიზნესის ორგანიზაციის სხვა მდგენელებიც.

ოპერაციულ მენეჯერებს პასუხისმგებლობა ეკისრებათ იმაზე, რომ ფირმა ფლობდეს წარმოებისა და ორგანიზაციის მონინავე მეთოდებს, ახორციელებდეს უწყვეტ მოდერნიზაციას და ინარჩუნებდეს მონინავე პოზიციებს.

კონკურენტებზე გამარჯვებისათვის, ფასზე და ხარისხზე დიდ ზრუნვასთან ერთად, ყველა ფირმა უნდა ცდილობდეს დაწერგოს ნოვატორული ტექნიკა-ტექნოლოგია და ამ გზით უკეთ დააკმაყოფილოს მომხმარებელთა მოთხოვნილებანი.

საწარმოს ჩამორჩენილობის მაჩვენებელია შედარებით მაღალი თვითღირებულება, დაბალხარისხიანი პროდუქცია, ან ერთიც და მეორეც ერთად, რაც რესურსების არაეფექტიანი კომბინაციის შედეგია. ხარჯების მუდმივ და ცვლად სახეობებად დაყოფა ხანმოკლე პერიოდის მიხედვით ხდება. ხანგრძლივი პერიოდის მიხედვით კი ყველა ხარჯი ცვლადია. ხანმოკლე არის დროის ისეთი ინტერვალი, რომლის განმავლობაშიც წარმოების მოცულობის გადიდება შესაძლებელია მხოლოდ ცვლადი ხარჯების გაუმჯობესებით.

თუ წარმოებაში გამოყენებული რესურსების ნაწილი რჩება უცვლელი და მათ ემატება დამატებით სხვა რესურსი, მაშინ გა-

მოშვების მოცულობა დასაწყისში შეიძლება გაიზარდოს, მაგრამ შემდეგ, როდესაც დაირღვევა რესურსების ოპტიმალური თანაფარდობა, დადგება მომენტი, როცა წარმოებაში ჩართული დამატებითი რესურსი სულ უფრო ნაკლებ და ნაკლებ უკუგებას მოგვცემს. ამ შემთხვევაში ძალაშია კლებადი უკუგების, ანუ კლებადი ზღვრული მწარმოებლურობის კანონი. ეს უკანასკნელი სხვა არაფერია, თუ არა ცვლადი დანახარჯების ზრდა პროდუქციის ერთეულზე მუდმივი ხარჯების უცვლელობის პირობებში. ზღვრული უკუგება კი-ეს არის წარმოების მოცულობის ნაზრდი, განპირობებული რესურსის დამატებითი ერთეულის გამოყენებით.

საკვანძო სიტყვები: ბიზნესი, მარკეტინგი, ხელშეკრულება, გარიგებები, სანარმო, რესურსები, წარმოება, ოპერაცია, საქონელი, ავტომატიზაცია, ფირმა, ხარჯი, ნედლეული, მასალები, კალკულაცია.

შესავალი

მარკეტინგის განყოფილება განსაზღვრავს რა, ვისთვის რამდენი, როდის და რა ფასად იქნას წარმოებული, დღის წესრიგში დგება მისი დამზადებისათვის საკვანძო ფაქტორების თავმოყრისა და, შესაბამისად, მომხმარებელთათვის გარკვეული ფასეულობების წარმოების საკითხი.

რესურსების შექცენამდე აუცილებელია პარტნიორებთან მოლაპარაკებები, კონტაქტები და შემდეგ კონტაქტების გარიგებები, ხელშეკრულებები. გარიგება ნიშნავს შეთანხმებას ორ ან რამდენიმე მენარმეს შორის, რომლის შესაბამისად მხარეები კისრულობენ ვალდებულებას, ვთქვათ, ხელშეკრულებაში დაფიქსირებული პირობების საფუძველზე შესაბამისი საზღაურით საქონლის ან მომსახურების მიწოდების შესახებ. მხარეები ვალდებულნი არიან დაიცვან თავიანთი უფლება-მოვალეობები.

ხელშეკრულება შეიძლება იყოს წერილობითი და ზეპირი. ზეპირი ხელშეკრულება დავის წარმოშობის შემთხვევაში სასამართლოსთვის ან არბიტრაჟისთვის იურიდიულ საფუძველს არ წარმოადგენს. განასხვავებენ, ასევე, პირდაპირ და საშუაშუალო გარიგებებს. პირდაპირი გარიგებები იდება მენარმის მიერ

უშუალოდ მისთვის აუცილებელი საქონლის მფლობელებთან. საშუამავლო გარიგებების დროს კი მენარმე მის მიერ შესაძენი საქონლის მფლობელებს უკავშირდება სხვათა (შუამავლების) მეშვეობით. ბიზნეს-გარიგება მაშინ იძენს იურიდიულ ძალას, როდესაც იგი გაფორმებულია მოქმედი სამართლებრივი ნორმების შესაბამისად. წარმოება არის რესურსების საქონლად და მომსახურებად გარდაქმნის პროცესი. ოპერაციულ მენეჯმენტში განსაკუთრებული ადგილი უჭირავს შესყიდვითი ანუ მასალების შეძენითი საქმიანობისა და სასაქონლო-მატერიალური მარაგების მართვას. ორივე ამ პროცესის საბოლოო მიზანია სანარმოს მოგების გაუმჯობესება. ფირმის (წარმოების) ხარჯები არის პროდუქციის წარმოებისა და რეალიზაციის ხარჯების ერთობლიობა, გამოხატული ფულში. ფირმის მთლიანი შემოსავალი ტოლია გაყიდული ერთეული საქონლის ფასისა და რეალიზებული საქონლის რაოდენობის ნამრავლისა.

ძირითადი ნაწილი

სანარმო მის ხელთ არსებული რესურსების გამოყენებით ქმნის სამომხმარებლო ფასეულობას. თითოეულ ბიზნეს-ოპერაციას თან ახლავს რამდენიმე გარიგება მენარმესა და წარმოების სხვადასხვა ფაქტორების მესაკუთრეებს შორის, რომელსაც იძენს მენარმე მოცემულ ოპერაციებში გამოსაყენებლად. მენარმე ეკონომიკური რესურსებიდან, პირველ რიგში, იძენს ფულად რესურსებს. ბიზნესში ეკონომიკური რესურსების თავმოყრასთან დაკავშირებით იდება შემდეგი სახის ხელშეკრულებები (გარიგებები):

ნასყიდობის ხელშეკრულება - გამყიდველი მყიდველს გადასცემს ნედლეულს, მასალებს, დაზგა-დანადგარებს, მასზე საკუთრების უფლებას და შესაბამის საბუთებს, ხოლო მყიდველი უხდის გამყიდველს შესაბამის თანხას;

სასესხო ხელშეკრულება - კრედიტორი მსესხებელს დროებით სარგებლობაში გადასცემს ფულს, ეს უკანასკნელი კი კისრულობს ვალდებულებას დააბრუნოს იგივე თანხა პროცენტითურთ;

შრომითი ხელშეკრულება-დაქირავებული მუშაკი კისრულობს ვალდებულებას შეასრულოს გარკვეული სამუშაო, რისთვისაც

დამქირავებელი უხდის მას შეთანხმებულ საზღაურს;

საიჯარო ხელშეკრულება - მეიჯარე გადასცემს მოიჯარეს განსაზღვრულ ქონებას დროებით სარგებლობაში, რისთვისაც მოიჯარე იხდის დათქმულ ვადაში საიჯარო ქირას ფულით ან ნატურით;

ლიზინგის ხელშეკრულება - სალიზინგო ფირმა დაამზადებს ან შეიძენს და მიმღებს გადასცემს განსაზღვრულ ქონებას, რისთვისაც ეს უკანასკნელი იხდის საზღაურს გარკვეული პერიოდულობით;

ფრანჩაიზის ხელშეკრულება - ფრანჩაიზის მიმცემი მიმღებს ხანგრძლივი ვადით გადასცემს არამატერიალური ქონების (სა-საქონლო ან სავაჭრო ნიშნები, ნიშნუშები, საქონლის წარმოების შეძენის, შეფუთვის, გასაღების, საქმის ორგანიზების კონცეფცია) გამოყენების უფლებას, რისთვისაც ეს უკანასკნელი იხდის გარკვეულ საფასურს და სხვა.

ჩამოთვლილი გარიგებების საფუძველზე ხორციელდება ეკონომიკური რესურსების თავმოყრა და მათი საქონლად და მომსახურებად გარდაქმნა, ანუ წარმოების პროცესი. ბიზნესის მართვის ფუნქციები: წარმოება, დაფინანსება, მარკეტინგი და სხვა, სწორედ სამომხმარებლო ფასეულობების შექმნისათვის ხორციელდება. თუ შექმნილია ფასეულობა, მისი რეალიზაციიდან შემოსავლის ნაწილი მოგების სახით რჩება კომპანიას, ნაწილი კი მაღალი ხელფასის სახით ეძლევა მუშაკებს, ნაწილი - აქციონერებს, ნაწილი - სახელმწიფოს და ყველა თავისებურად ბედნიერია.

ოპერაციული მენეჯმენტი, უნინარეს ყოვლისა, ბიზნესის სტრატეგიის რეალიზაცია ანუ ფასეულობების შექმნისა და მათი მომხმარებელამდე დაყვანის ოპერაციათა ერთობლიობაა. ამ ასპექტში ოპერაციული მენეჯმენტი აკონტროლებს მზა პროდუქციის შექმნის მთლიან პროცესს, მზა პროდუქციისა, რომელსაც საწარმო რესურსებზე უფრო მეტი ფასეულობა აქვს.

წარმოება, ამ სიტყვის ფართო გაგებით, არის რესურსების საქონლად და მომსახურებად გარდაქმნის პროცესი. განასხვავებენ კონვერსიის ორ ტიპს, ესაა: ანალიტიკური კონვერსია, რომლის დროსაც ერთი და იმავე სახეობის ნედლეულისგან იწარმოება ერთი ან რამდენიმე პროდუქტი, ასე მაგალითად, ხისგან იწარმო-

ება მაგიდა, კარადა, კარები და სხვა; 2. სინთეტიკური კონვერსია, რომელშიც იგულისხმება სხვადასხვა მასალისაგან ერთი სახეობის პროდუქციის წარმოების პროცესი. ასე მაგალითად, ქსოვილისაგან, ძაფისაგან და ლილვისაგან იწარმოება პიჯაკი.

არამექანიზებული შრომის შემთხვევაში შრომის იარაღების ამოქმედება ხდება ადამიანის კუნთების მეშვეობით და საწარმო შესაძლებლობა განისაზღვრება ადამიანის ფიზიკური უნარით; მექანიზებული შრომის შემთხვევაში კი აღმძრავ ძალად გამოიყენება ელექტრო ენერგია, შიდა წვის ძრავა და სხვა.

სტანდარტიზაცია არის ერთგვაროვანი საქონლისა და დეტალების შექმნის პროცესი (ვთქვათ, ავტომობილების მასიური წარმოება).

სამრეწველო რევოლუციის შემდგომ ეტაპზე ხორციელდება წარმოების ავტომატიზაცია, რობოტიზაცია და კომპიუტერიზაცია.

ავტომატური წარმოება მანქანური წარმოების განსაკუთრებული, მაღალი ეტაპია, რომელიც ახალი ტიპის შრომის იარაღებს - ავტომატების გამოყენებას ემყარება. ავტომატური მოწყობილობა შრომის ისეთი იარაღია, რომელიც არა მარტო ასრულებს ნედლეულის გარდამქმნელ მექანიკური ზემოქმედების ფუნქციას, არამედ ამოძრავების (ჩართვის) შემდეგ ადამიანის ჩაურევლად მოქმედებს. თუ ჩვეულებრივ მანქანას მართავს მუშა, ავტომატში მართვის ფუნქცია მოცემულია თვით მანქანა-მოწყობილობაში. ამგვარად, ავტომატური მოწყობილობა არა მარტო ცვლის ადამიანის შრომას ფიზიკურ (ან გონებრივ) სამუშაო ოპერაციებში, არამედ საკუთარი მართვის ფუნქციასაც თვითონ ასრულებს.

ამავე პერიოდში ხდება ადამიანების მოქმედების ანალოგიური მანქანების ანუ რობოტების გამოყენება, რომლებიც ადამიანების მძიმე და მონოტონური შრომის შემსუბუქების მიზნით შეიქმნა.

საწარმო პროცესების კომპიუტერიზაცია საშუალებას იძლევა დაზგების რბილი გადართვით გამოშვებული იქნას მრავალფეროვანი ასორტიმენტის პროდუქცია. რობოტებისა და ტექნიკური მოწყობილობების კონტროლის მიზნით კომპიუტე-

რების გამოყენებას კომპიტიზირებული წარმოება ეწოდება.

„შესყიდვითი ანუ მასალების შეძენითი საქმიანობა მოიცავს: მასალებზე და მომსახურებაზე მოთხოვნილების ზუსტ შეფასებას; კარგი მომწოდებლების მოძიებას და შერჩევას; მომწოდებლებთან შეთანხმებას ფასებთან და მოწოდების ვადებთან დაკავშირებით; კონტრაქტებისა და შეკვეთების პირობების განხილვას; იმის დადგენას, იქნება თუ არა ფირმა საიმედო მომწოდებელი მთელი სახელშეკრულებო ვადის განმავლობაში.

არსებობს მარაგების სამი ძირითადი ტიპი: ძირითადი მასალების, მაკომპლექტებელი დეტალებისა და სხვათა მარაგები; დაუმთავრებელი წარმოების მარაგები; მზა პროდუქციის მარაგები.

მარაგების არსებობა შესაძლებლობას იძლევა: თავიდან იქნას აცილებული კლიენტთა დანაკარგები მარაგების უქონლობის გამო; კლიენტმა შეისწავლოს საქონელი მის შესყიდვამდე; გამოყენებული იქნას ნედლეულის ფასების შესაძლო ზრდა და შემცირება; უზრუნველყოფილ იქნას საწარმოს მუშაობა შეუფერხებლად და პერსონალის შეუმცირებლად; პროდუქცია გამოშვებული იქნას იმ მოცულობით, რომ უზრუნველყოფილი იქნას ხარჯების მინიმიზირება; აიგოს მუშაობა ფასებისა და ხარჯების ზრდაზე; დაცული იქნას თავი გაფიცვებისაგან“.¹

მატერიალურ-ტექნიკური მარაგების დანიშნულებაა რესურსების ყოველ მომდევნო მოწოდებამდე უზრუნველყოს წარმოების მოთხოვნილება. ამიტომ საწარმოს უნდა გააჩნდეს რესურსების გარკვეული მარაგი, რათა ყოველ საათს და ყოველდღე მისი შემოტანით არ იყოს დაკავებული.

საქონლის (მომსახურების) წარმოებისათვის მენარმე იყენებს შიდა (საკუთარ) და გარე (ნაყიდ) ეკონომიკურ რესურსებს.

ბიზნესისათვის ყველაზე მნიშვნელოვანია მთლიანი დანახარჯი, ანუ მუდმივი და ცვლადი დანახარჯების არითმეტიკული ჯამი.

„მუდმივი და ცვლადი ხარჯების ჯამი არის ბიზნესის (წარმოების) საერთო ხარჯები. წარმოების საერთო (მთლიანი) ხარჯე-

**1 უშანგი სამადაშვილი, ბიზნესის საფუძვლები (მეორე გამოცემა, გადა-
მუშავებული, დამატებებით), თბილისი, 2009. გვ. 327-328**

ბისა და ფირმის მიერ წარმოებული პროდუქციის მთლიანი მოცულობის განაყოფი არის წარმოების საშუალო ხარჯები, ანუ ერთეულ პროდუქციაში განხორციელებული ხარჯები, რომელსაც, ფულში გამოხატულს, პროდუქციის თვითღირებულება ეწოდება. სხვაგვარად, საშუალო დანახარჯი უჩვენებს, თუ რა ჯდება საშუალოდ ერთეული პროდუქციის წარმოება.¹

ანალოგიურად გაიანგარიშება საშუალო მუდმივი და საშუალო ცვლადი ხარჯები. საშუალო მუდმივი ხარჯი ტოლია მუდმივი ხარჯების ჯამისა და წარმოებული პროდუქციის რაოდენობის განაყოფისა, ხოლო საშუალო ცვლადი ხარჯი ტოლია ცვლადი ხარჯების ჯამისა და წარმოებული პროდუქციის რაოდენობის განაყოფისა. საშუალო მთლიანი ხარჯები კი ტოლია საშუალო მუდმივი და საშუალო ცვლადი ხარჯების ჯამისა. ტერმინი „ზღვრული“ ნიშნავს „დამატებითს“. ზღვრული ხარჯი არის ზღვრულ პროდუქტში განხორციელებული ხარჯები.

ბიზნესის მასშტაბების გაფართოებით გამოწვეული ეკონომიკა განპირობებულია იმით, რომ:

- მსხვილ ბიზნესში (საწარმოებში) რესურსები შედარებით დაბალ ფასებში შეიძინება დიდი პარტიებით;

- საწარმოს სიდიდის ზრდის კვალობაზე წარმოებაში და მართვაში უმჯობესდება სპეცალიზაციის გამოყენების შესაძლებლობანი;

- მსხვილ ბიზნესში უკეთესი პირობებია მაღალმწარმოებლური და ძვირადღირებული მოწყობილობების გამოყენებისა;

- მსხვილ ბიზნესში ადგილი აქვს საერთო ხარჯების (ელექტრო ენერგია, გათბობა) ეკონომიას;

- მსხვილ ბიზნესში დიდია შესაძლებლობები წარმოების ნარჩენების საფუძველზე დამხმარე წარმოების განვითარებისა და საქმიანობის დივერსიფიკაციისა. მსხვილ საწარმოებში უარყოფითი ეფექტი გამოხატულებას პოულობს მართვადობის მოშლაში;

- ფირმა მოუქნელი ხდება, სხვადასხვა ტერიტორიაზე განთავსებულ ფილიალებში მართვის დაბალეფექტიანობის გამო;

- ძნელდება ფირმის ხელმძღვანელობის მიერ მიღებული გა-

დანყვეტილების რეალიზაციაზე კონტროლი;

- ცალკეული ქვედანაყოფების ლოკალური ინტერესები წინააღმდეგობაში მოდის მთლიანად ფირმის ინტერესებთან;

- იზრდება ინფორმაციის გადაცემისა და დამუშავების ხარჯები. წარმოების ხარჯების ანალიზისას გამოყოფენ ხარჯების შემდეგ ეკონომიკურ ელემენტებს:

- ნედლეული და ძირიადი მასალები;
- ნაყიდი მაკომპლექტებელი ნაკეთობანი და ნახევარფაბრიკატები;

- დამხმარე მასალები;

- სათბობი და ენერგია;

- ხელფასი;

- ძირითადი კაპიტალის ამორტიზაცია;

- სხვა ფულადი ხარჯები.

მენარმემ ხარჯების შემცირების მიზნით მუდმივი და ცვალებადი კაპიტალი ისეთი თანაფარდობით უნდა შეარჩიოს, რომ ჯერ ერთი, არც ერთი ფაქტორი არ მოცდეს და მეორე, საჭირო რაოდენობის პროდუქცია წარმოებული იქნას მინიმალური და-ნახარჯებით.

დასკვნა

მენარმეს, ტექნოლოგიებისაგან განსხვავებით, აინტერესებს არა ის, რამდენი ტონა ნედლეული და მასალაა საჭირო ამა თუ იმ პროდუქციის წარმოებისათვის, არამედ ის, თუ რა ღირს საჭირო რესურსები და როგორ იყიდება დამზადებული პროდუქცია, ანუ როგორია წარმოების ხარჯები, შემოსავალი და მოგება. დიახ, ბოლო დრომდე გაბატონებული პრინციპი: „იყიდე იაფად, გაყიდე ძვირად“ თანამედროვე ბიზნესში შეიცვალა „რესურსების სამომხმარებლო ფასეულობებად გარდაქმნის იდეით“. მენარმენი რესურსებს სწორედ იმის შესაქმნელად იყენებენ, რასაც მომხმარებელთათვის გარკვეული ფასეულობა გააჩნია.

ამ ასპექტში, მენარმისათვის უალრესად მნიშვნელოვანია, თუ რა სახეობისა და რაოდენობის რესურსებია საჭირო საქმის წამოწყებისა და მისი გაგრძელებისათვის.

საზგასასმელია, რომ ხშირად ხარჯების ეკონომიკა თავად მოითხოვს გარკვეული შრომის, კაპიტალის და ფინანსურ ხარჯებს. მოკლედ, მენარმემ, კონკრეტული სიტუაციიდან გამომდინარე, ფაქტორების იმდაგვარი კომბინაცია უნდა მოახდინოს, რომ რესურსების მინიმალური დანახარჯებით მიიღოს პროდუქციის წინასწარ განსაზღვრული მოცულობა.

გამოყენებული ლიტერატურა

1. ნ. ბიჭიაშვილი, ლ. ქადაგიშვილი, ლ. ბიჭიაშვილი. ბიზნესის ადმინისტრირება. თბ., 2005
2. რ. ვაჩნაძე, რ. ნიკვაშვილი. ბიზნესის საწყისები, თბ., 1992
3. გ. პაპავა, მენარმეობის საფუძვლები. თბ., 2004
4. მ. ტულუში, ნ. ყირიმლიშვილი, მენეჯმენტის საფუძვლები. თბ., 2002
5. უ. სამადაშვილი. მენარმეობისა და მენეჯმენტის სწორად გაგებისათვის. ჟურნალი „მაცნე“, ეკონომიკისა და სამართლის სერია. 1992, N4
6. უ. სამადაშვილი. სამენარმეო რისკის შესახებ. ჟურნ. „ეკონომიკა“, 1997. N5-7
7. უ. სამადაშვილი. ბიზნესის საფუძვლები (მეორე გამოცემა, გადამუშავებული დამატებებით) თბილისი, 2009.
8. ო. ქეშელაშვილი. ბიზნესის ორგანიზაცია. თბ., 1995
9. ი. ჩხარტიშვილი, მენარმეობის არსი, მენარმეობის თეორიის რეტროსპექტიული ანალიზის კონტექსტში. ჟურნ. „ეკონომიკა“, 2002, N3-4
10. ე. წამალაშვილი. ბუღალტრული აღრიცხვის საფუძვლები, თბილისი, 2000
11. Грибов В.Д. Основы бизнеса (учебное пособие). М. 2000
12. <http://www.esbc.ru>
13. <http://www.mgubs.ru/index.php?sc+15>
14. <http://www.gsm.pu.ru/>

REFERENCES:

1. N. Bichiasvili, L. Kadagishvili, L. Bichiashvili - Business administration, Tbilisi, 2005;
2. R. Vachnadze, R. Nikvashvili - Origins of business, Tbilisi, 1992;
3. G. Papava - Entrepreneurship basics, Tbilisi, 2004;
4. M. Tughushi, N. Kirimlishvili - Management Basics, Tbilisi, 2002;
5. U. Samadashvili - For better understanding of entrepreneurship and the management; Magazine "Legislative Herald", economy and law issue; N4, 1992;
6. U. Samadashvili - About entrepreneurial risks; Magazine "Economics", N5-7, 1997;
7. U. Samadashvili - Business basics (second edition), revised with additions, Tbilisi, 2009;
8. O. Keshelashvili - Organization of business, Tbilisi, 1995;
9. I. Chkhartishvili - The essence of entrepreneurship, retrospective analysis of the theory of entrepreneurship in line with context; Magazine "Economics", N3-4, 2002;
10. E. Tsamalashvili, Accounting basics - Tbilisi, 2000;
11. Gribov V. D. - Business basics (study guide), M, 2000;
12. <http://www/esbc.ru>
13. <http://www.mgubs.ru/index.php?sc+15>
14. <http://www.gsm.pu.ru/>

BUSINESS-TRANSACTIONS AND ACCUMULATION OF ECONOMIC RESOURCES

Giorgi Buskandze,
Master of Management
irina-jorjo@mail.ru

RESUME

Operational management implies not only production management but logistics, innovative management, transaction and quality management and other components of organization of business as well.

Operational managers bear the responsibility that company should possess advanced production and organization methods, implement continued modernization and remain the leading positions.

In order to beat the competitors, together with care on price and quality - the firm should try to implement an innovative technology and in such manner satisfy the customers' requirements in a better way.

The Indicator of enterprise's backwardness is relatively high cost price, low-grade production or both at a time, which presents the ineffective combination of resources. Division of costs into fixed and variable types are being performed according to the short-term periods. As for long-term periods, according them all the costs are variable. Short-time period is the time interval, during of which it is possible to increase the production capacity only by improvement of variable costs.

If the part of resources applied in the manufacture are left unchanged and they are added with some other resource, then production volume might be increased in the beginning, but since then, whilst the optimal correlation of resources will be violated, the moment will rise, when an additional resources involved in production will gain ever less and less return. In such case, the law of decreased return (or the decreased marginal production capacity law) is active. The least is nothing more than a grow of variable expenses per production unit under the conditions of unchanged costs. Marginal return - means the surplus of production capacity, which is conditioned by application of additional unit of resource.

Key words: business, marketing, agreement, transactions, enterprise, resources, production, operation, goods, automatization, firm, cost, raw materials, materials, calculation.